

Landesbibliothek Oldenburg

Digitalisierung von Drucken

**Dōdekaphrēton, Sive Theologia Prophetica, Ex Vatisbus
XII. Minoribus Secundum Seriem Articulorum Fidei**

Majus, Johann Heinrich

Giessæ Hassorum, Anno MDCCIII

VD18 11197021

Locus XIV. De Renovatione Et Bonis Operibus.

urn:nbn:de:gbv:45:1-17399

LOCUS XIII.

De

REGENERATIONE.

Quia inter fines justificationis adoptio in filios Dei , ac æternæ hæreditatis adeptio , numeratur , facile inde regeneratione colligitur , quæ toties indicatur , quoties Deus promisit , se velle suorum Deum & Patrem , eosque suos filios vel populum esse , Hos. II, 1. 25. Fideles populus & hereditas Dei vocantur , Joël III, 2. opus Dei , Hos. VIII, 14. iniqua , Ephes. II, 10. Nemo autem fit filius aut populus Causa efficiens. Dei , nisi per regenerationem. Hoc opus tribuitur Patri , Malach. I, 6. Filio , Hos. VI, 2. vivificabit nos &c. ut vivamus coram eo. conf. 1. Petr. 1, 3. De Spiritu S. verba Joël II, 1. capienda sunt: Effundam Spiritum meum super omnem carnem &c. Mater est Ecclesia vera , Zion & Jerusalem ; & ut. Hinc utriusque filiae fit mentio , Zachar. IX, 9. Movens. Causa movens est misericordia Dei , Hos. II, 25. Miserebor lo ruchamæ , & dicam non populo meo , faciamque , ut sit populus meus , per gratiam & misericordiam. conf. Hos. XI, 8. Meritoria Christus est. Hos. II, 21. s. VI, 2. Media sunt verbum Evangelii s. promissiones , Hos. II, 16. & Sacra menta , ut suis locis ostendemus. Forma in spiritualis vitæ lucisque communicatione consistit , ut homo ex Deo natus & vivificatus Deum vere & vivide cognoscat , Hos. VI, 2. 3. Deumque suum Deum & Patrem appellare queat , Hos. II, 25. Malach. I, 6. ejusque naturam referat , divinæque naturæ particeps reddatur , sicque homo novus , filius & populus Dei vivi fiat , Joël IV, 2.

LOCUS XIV.

DE

RENOVATIONE ET BONIS OPERIBUS.

Regenerationem Renovatione excipit , quâ propter remanens inhabitanusque in justificatis & renatis peccatum , semper in hac vita opus est. Ad eam toties Prophetæ cohortantur , quoties vel sanctificationem vel studium bonorum Operum inculcant. Hoc autem frequenter satis eos facere liquet , nec probare , aut distincte Renovationem tractare attinet. Itaque conjungemus caput utrumque , & quod

quod ajunt, una fidelia duos parietes dealbabimus. Id tamen simul operam dabimus, ne unum cum altero confundamus. Renovationis vox late accepta etiam regenerationem & vivificationem complectitur, aut hæc illam includit. Huc verba fidelium spectant Hos. VI, 2. vivificabit nos (Messias) & excitabit nos, ut coram ipso vivamus, sancte & inculpate. Ex quo loco breviter omnia eruere vel indicare de Renovatione possumus. Qui nos renovat, & vires novas dat, Christus est, Causa effic. ejusque Spiritus, quem effundit, Joël III, 1. 2. Subjectum sunt vivificati, justificati & fideles, sive filii Dei vivi, Hos. II, 1. populus Dei, ibid. Justi ambulant in viis Domini rectis, Hos. XIV, 10. vivunt coram facie Domini, & ambulant in novitate vitæ, ceu Paulus explicare videtur verba Prophetica, Rom. 6, 4. Hulsemannus Prælect. in Form. Conc. Art. XII. p. 589. & 592. formam renovationis nervose sic descripsit: Forma.
Est perfecta conformatio intellectus, voluntatis & appetitus, ad normam legis æternae &c. sive simultanea motio à Deo & homine profecta, conformans intellectum, voluntatem & appetitum hominis legi divina, tum in cognoscendis, tum in faciendis. Quam ex Hos. VI, 3. facile probabimus. Nam ubi vita Dei & ex Deo est, ibi conformatur homo Deo. Jam vero dicit Vates de renatis & vivificatis: ut cognoscamus & persequamur cognoscere Dominum. En conformitatem in cognoscendis & faciendis! Huc etiam refer sacrificia spiritualia, quorum mentionem facit Malachias I, 11. quæ mortificationem veteris & vivificationem novi hominis arguunt. Unde Hos. VI, 6, ait Deus, se misericordiam velle, & non sacrificium, & cognitione Dei præ holocaustis delectari.

Finis. & Effectus.

*Finis utique gloria Dei major est, quam filii Dei vivi querunt omni studio, ut Pater cœlestis glorificetur, & non habeat amplius, de quo conqueratur, Malach. I, 6. si Pater ego, ubi gloria mea? Homo autem ita redditur *ixavòs* ad omne opus bonum, quod facit, tanquam arbor bona, unde nonnisi boni fructus proveniunt. Executio igitur & exercitium honorum operum è Renovatione ceu effectus promanat, hincque tota Bonorum Operum ratio facile constat. Nam causa & subjectum illorum eadem sunt, quæ renovationis, nimirum fideles & renati, sive fides viva. *Justus per fidem suam vivit, Habac. II, 3.* & ostendit fidem suam ex operibus. Florescit sicut lilyum, radices agit sicut Libanon & instar oleæ est, Hos. XIV, 6. 7. Per fidem accipitur Spiritus S. qui agit fideles, ut induant novos affectus & edant bona opera.*



Forma &
noima,

Jinis,

Necessitas,

Homony-
mia,

opera, eaque persequantur & querant Dominum, ejusque vias ament & in iis ambulent cum delectatione; impii autem & pravaricatores iis offenduntur, & impingunt, utpote destituti vita & luce Spiritus. Quare quæ faciunt, mala sunt, licet bona videantur, v. g. sacrificia offerre, orare, cantare &c. Amos V, 21. 22. 23. Hos. VIII, 13. Mich. VI, 7. quia non ex corde bono nec ex fide, quæ bonæ voluntatis & justæ actionis genitrix est, proveniunt. Non enim satis est ad bonum opus, ut aliqua ratione juxta Legem divinam, tanquam normam, fiat; sed ut Deo placeat, ex fide & purgato corde fiat, necesse est. Quando Deus conflat & purgat filios Levi, tunc offerunt munus spirituale in iustitia, & gratum vel suave est Domino sacrificium, Malach. III, 4. Finis triplex est. 1. Gloria Dei, quam ipse Deus & Pater noster cœlestis summo suo jure postulat, Malach. I, 6. Filius honorare debet Patrem, & servus Dominum suum. *Quod si igitur Pater ego sum, ubi gloria mei;* & si dominus sum, ubi timor mei est? Qui non omnia ad gloriam Dei faciunt, contemnunt nomen ejus, ibid. & vers. seqq. 2. Propter nos ipsos facienda sunt bona opera, ut certi simus de vera & viva fide, nos per fidem vivere, s. vivificatos esse. 3. Propter proximum. Conversi enim & fideles alios similiter ad pœnitentiam & fidem excitant, Hos. VI, 1. ite, agite, convertemur ad Dominum. Ita Jonas & Rex Ninivitarum incolas urbis maximæ, exemplo & opere à via mala recitabunt, Jon. III, 3. ss. Necessaria esse Bona Opera, multoties indicant Vates. *Quærите bonum & non malum, ut vivatis, & certi sitis,* quod in Deo vivatis, dum opera bona facitis &c. Amos V, 14. 15. Mich. VI, 8. *Indicatum tibi est, homo, quid bonum sit, & quid Dominus a te requirat &c.* Malachias proinde memoriam Legis Mosis inculcat sub finem Prophetiæ suæ. Cave tamen inferas, bona opera esse meritoria vitæ æternæ, quia justus fide sua vivit & vivet in æternum.

LOCUS XV.

DE

LEGE DEI.

I. Morali.

§. I.

Quia Lex bonorum operum norma est, de ea convenienter nunc agemus. Lex sumitur latissime a) pro universa doctrina divinitus